



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

§. 1. Perire honorem, qui indignis tribuitur.

urn:nbn:de:hbz:466:1-45699

C A P V T XXVIII.

*Cur non solum malis, sed etiam sepe bonis honores negari,
vel auferri diuina prouidentia patiatur?*

FAcilè quisquis honoratur, quiescit, siue dignus sit eo honore, siue indignus: haud ita facile, cui honor negatur. Itaq; non inscīte Heracleotes. Dionysius ad ea disputat, qua Cic. lib. 3^o apud Hemerum Achilles queritur, hoc, ut opinor, modo. Tuscul qq;

*Corq; meum penitus turgescit tristibus iris,
Cùm decore atque omni me orbatum laude recordor.*

Num manus affectare cœlè est, cùm in tumore est? aut num quodpiam membrum tumidum ac turgidum non vitiosè se habet? Sic igitur plerumque ægritudine laborant, qui se se vident honore destitutos. Itaque sanandi sunt. Quamquam non solum ægrotant, qui se se vident esse sine honore, sed etiam in vitio est ille animus, qui tristibus iris idcirco tumet, quia alios videt honorari. De illis priùs dicamus. Nam vel indigni sunt honoribus, qui eis non conferuntur, aut auferuntur, vel digni. Si indigni, nulla eis fit iniuria, quid ergo conqueruntur? Quam ridiculus esset agricola, qui indignaretur, quod non electus esset in Imperatorem? Quam stolidus latro, aut prædo, qui pro laqueo speraret, aut postularet diadema? aut qui gladio dignus se se sceptro dignum iudicaret? Sicut qui mittit lapidem in aceruum Mercurij; sic qui tribuit insipienti honorem. Si enim testæ fragmentum in lapidem aceruum mittatur, impætum in minutissimas particulas confringitur; vt nullis postea usib; sit aptum: ita etiam honor insipienti perperam impensus, perit prorsus, & frustra impenditur. Et comminuetur, sicut Isa. 30^o conteritur lagena figuli contritione praualida, & non inuenietur de fragmentis eius testa, in qua portetur igniculus de incendio, aut hauriatur parum aqua de fovea. Quo modo honor insipienti, aut impio oblatus perit? quia Æthiopem lauat, siquidem non facit eum sapientem aut probum; & ipse vilescit, vt pest quam viderint eum deferriri indigno, contemniant sapientes, & digni, qui non æstimant id, quod etiam stultis & sceleratis obtingit. Vidi audiuiq; sepe officia quædam, alioquin honorifica, repudiari à sapientibus, eo solo nomine quod vidissent ea, ante se habuisse insipientes.

Sf

Sellæ

322 Cap. XXVIII. Cur sepe tam bonis, quam malis honores non dentur?

Sellà in curuli Struma Nonius sedet.

Ego nolo Consul esse.

nolunt enim mentes generosæ fasces contaminatos tangere; aut id præstare, quod videntur ineptissimi quique præstare posse. Itaque honores indignis collati & ipsi putiscunt, & eos, quibus conferuntur, ludibrio exponunt; sunt enim velut lucerna admodum vesti maculata, quæ non tam vestem illuminat, quam maculas detegit. Lapidès pretiosos projcere in aceruum & congeriem rudium saxorum, est non illa ornare, sed proprium pretium perdere; ita honores indignis tribuere, est illos deformare, ipsosque honores dehonestare; immo & ipsos indignos in exitium promovere, non secus, ac si quis fundâ lapidē in altum ejciat; quòd eum altius impellit, eò altius cadit. Enimvero haud raro seipsum sauciatur, quisquis indignum honorat. *Libertas*, inquit S. Ambrosius sapienti, non insipienti conuenit, quoniam (iuxta versionem septuaginta) qui deligat lapidem in fundibulo, similis est ei, qui dat insipienti claritatem, se ipsum vulnerat, atque sibi potius cum intorquet iaculum, affert periculum. Deinde sicut tormento acerbatur & geminatur valum saxi ruina, sic insipientis in libertate ruina vehementior est. Nostra tamen versio est: *Sicut qui mittit lapidem in aceruum Mercurij*, sic qui tribuit insipienti honorem.

M. Veteres Mercurium suum pedibus & brachijs truncum formare solebant; hinc homines inutiles, stolidos, mente captos, & rerum imperitos ligneos Mercurios vulgo appellabant: at tu

Nil nisi Cecropides, truncosq; simillimus Herma.

Nullo quippe alio vincis discrimine, quam quod

Illi marmoreum caput est, tua vinit imago.

Itaque qui bardum hominem honore afficit, similis est illi, qui aliquod Mercurij simulachrum vndequeaque truncum reveretur. Et sunt profecto quidam idolo magis trunci; quos proinde honorate, est colere idolum, quod qui faciunt, in saxis seminant, nec raro & ipsi stultescunt. Ut quid enim magistratum, regnum, imperium, exercitum, vacordi, imperito, stupido committunt? Naufragij causa est, qui nauem puer regendam concordidit. Insipiens autem est, & plus quam puer etiam qui improbus est, aut ad officium aliquod ineptus, illudque appetit. Fit tamen plerumque,

Iuuem, sat. 8.